



Шомий домланинг оқ салла ташвиқотчилари (Қодирий)



Сахар ногорасини кокиш олдидан сурнай «Наво»ни эзиб бошлаган эди.

Ёш-яланглар Шайхантахурдан таркала бошлаганда биз худда Дегроз махалласидан ўтдик. Думахонанинг мархамати билан унда-бунда ўтказилган «интрисфанор»нинг заиф ёругини менсимаган катта кўча зулматида ажойиб ва нуроний бир манзар аста-аста тўрт тарафка таркалмоқда; бугун кўча оппок салла билан тўлган, бели мукчайган, суянчиги

факат хасса бўлиб колган чоллар, олдинда кўл ковуштириб, фонус кўтариб кетаёткан ёш муллабаччалар оркасидан тўда-тўда бўлиб кетишиб борадир. Бундай милтиллаган фонусларнинг боши билан оёгига кўз етиб бўлмайди. Биз хайрон бўлдик, нима гап бўлганини билмак орзусига тушдик, булар қачон соб бўлар экан деб, кўчанинг бир четида турдик. Ха, деганда буларнинг кети узилмайди, ногора чалиниб бўлди, карасак, «сахарлик»дан коладурганмиз. Бизнинг махалла томонига ажралган беш-олтита мўйсафидлар билан биргалашиб кетдик.

Ёнимдаги шеригим халигиларни гапка солди: буларнинг ичидаги бир писмик чол ҳеч индамади. Биртаси «таравихдан таркадик» деб сўзни битирди. Бир соддароги Шомий домланинг мадхларига тушди. Биз ҳам сўз ораларида махтаб-махтаб кўйиб эшитдик: — Домланинг садагалари кетай, — деб бошлади халиги солла мусулмон, — у кишининг билмаган илмлари, ўкумаган китоблари, дунёда бормаган, кўрмаган жойлари йўк... Биз билдикки, булар Дегроз мачитида таравихдан кейин Шомий домланинг «масала»ларини эшиткали йигилар эканлар.

Писмик чолнинг «мазмунлик йўталиб кўйиши»ни онгламай халиги содда мусулмон сўзда давом этди:

— ...Арабистон, Миср, Чин, Мочинларни юз марталаб айланганлар. Хар бир мушкил масалаларга дарров жавоб айтадирлар. Бу кишининг масалаларини эшитмак учун Дегроз мачитига ўн икки дарвозадан гала-гала мусулмонлар йигиладирлар. Бу кун чамаси икки мингдан ортигрок одам бор эди. Рўза, хаж, закот, фитр, хайр, нифос масалаларидан ташқари шу замон гапларидан ҳам айтиб кўядирлар, деди.

Писмик чолнинг нафаси тикилиб, олонглай бошлади. Замон холидан, дегандан кейин биз халиги дилкаш отамиздан Шомий домланинг ёшларга қандай қарашини сўрай бошладик. Писмик чол ёшлардек тетик бўлиб югуриб, дилкаш отамизнинг ёнига ўтди. Дилкаш отамиз бу тўғрида домламизнинг фикрларини айтиб бермакка киришкан эди.

— Ёшларнинг мўйсафид ва уламоларга ҳурматсиз қарашлари динни заволга олиб бормокда, деб домлам кўб гамгин бўладирлар...

Сўз шунга етканда дилкаш отамизнинг тили тўсатдан тўхтади. Кулок солиб турсак ҳеч ун чикмайди. Сездикки, писмик чол югуриб тушкандан кейин дилкаш отамизга бир бало қилгандир; лекин мен ўзим писмик чолнинг хасса билан туртиб кўйганини хира-шира кўрган эдим. Туртилмаган вақтда халиги дилкаш отамиз бизга кўб нарсаларнинг хақиқатини балки айтиб берар эди. Балки шу домланинг эскиларга ва ёшларга бошка-бошка гапириб тирикчилик қилганликларини, яъни мунофикдик билан умр кўрганликларини, мунофикликнинг уламолар фойдасига жоиз эканлигини, балки ўзларининг ётиб чикканликларининг сабабларини ва бошка сўзларни бирин-бирин айтиб берар эди.

Шомий домлага бир маслахатимиз бор: таравих ва хатм бахонаси билан зўргатдан ташкил эткан одамларини тозалаб олсинлар, халиги «махмадана» чолдек огзи бўшларни, сирларини хар қимга айта берадурган лакмаларни ўз суҳбатларидан чиқариб юборсинлар, факат махалла-қўйлардаги ҳеч нарсадан хабари йўк одамларни авраб, Шомий домлага «мурид-мухлис» кўпайтиргучи пишиқ ва писмикдарни қолдирсинлар.

«Кизил Ўзбекистон»,
1925 йил, 16 апрел.

Абдулла Кодирийдан